

U G O V O R
Br: 0602-2998-14/20
o javnoj nabavci HTZ opreme

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004, porezni broj PDV: 200119040004

DOBAVLJAČ: “Prevent Safety” d.o.o. Goražde, ulica 1. Drinske brigade 23 , kojeg zastupa direktor Sead Hubjer (u daljem tekstu: Dobavljač)
ID broj: 4245054990003, porezni broj PDV 245054990003.

UVODNE ODREDBE

Član 1.

Ugovorne strane sklapaju ovaj Ugovor na osnovu Okvirnog sporazuma o nabavci roba – HTZ opreme zaključenog između Ugovornih strana, provedenog postupka javne nabavke – Otvorenog postupka za dostavljanje ponuda broj 0602-2998-2/20 – nabavke HTZ opreme, Odluke o odabiru najpovoljnijeg Dobavljača, broj 0602-2998-11/20 od 02.09.2020. godine, i prihvaćene ponude Dobavljač broj 0602-2998-8/20 od 28.08.2020. godine koja je sastavni dio ovog Ugovora.

PREDMET UGOVORA

Član 2.

Predmet ovog Ugovora je nabavka HTZ opreme, na osnovu Okvirnog sporazuma, a prema prihvaćenoj ponudi dobavljača i prema zahtjevima Ugovornog organa.

Obostranim potpisivanjem Ugovora, Ugovorni organ ne preuzima obavezu niti garantuje izvršenje Ugovora u bilo kojem obimu ili vrijednosti. Realizacija Ugovora vršit će se u skladu sa potrebama i zahtjevima ugovornog organa, putem pojedinačnih (nabavki i isporuka), bez prava i ovlaštenja Dobavljača da diktira ili uslovljava obim izvršenja okvirnog sporazuma.

UGOVORENA CIJENA

Član 3.

Ugovorena cijena za nabavku i isporuku robe iz člana 2. ovog Ugovora iznosi:

Cijena roba koja su predmet ovog Ugovora bez PDV-a iznosi	60.225,40KM
PDV na ponuđenu cijenu roba iznosi	10.238,32KM
Cijena roba koja su predmet ovog Ugovora sa PDV-om iznosi	70.463,72KM

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti u roku do 60 (šesdeset) dana nakon prijama uredno ispostavljene fakture za isporučenu robu na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza ,u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio,a nije joj prigovorio.

ROK REALIZACIJE

Član 5.

Dobavljač se obavezuje da će isporuku robe definisane članom 2. ovog Ugovora vršiti kontinuirano po zahtjevu i potrebama Ugovornog organa, najkasnije u roku do 15 (petnaest) dana od prijema narudžbe.

Svi rokovi u vezi s ugovorom računaju se od dana stupanja ugovora na snagu.

Mjesto isporuke roba je skladište Ugovornog organa (Skladište KJKP „Pokop“ d.o.o. groblje Vlakovo).

UGOVORNA KAZNA

Član 6.

U slučaju kašnjenja u isporuci roba do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu od 1 ‰ promila, naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

KVALITET

Član 7.

Svi isporučeni proizvodi moraju biti novi i u obimu, sa karakteristikama i garantovanim tehničkim i drugim zahtjevima, parametrima i standardima u svemu prema Tehničkim i drugim zahtjevima.

Ugovorni organ ima pravo angažovati stručno lice za provjeru kvaliteta proizvoda tj. da li zadovoljava tražene zahtjeve i standarde, te najkasnije u roku od 15 dana obavjestiti dobavljača o nalozima izvršenih provjera. Ukoliko isti u tom roku ne dostavi svoje primjedbe smatraće se da je dao saglasnost na zahtjevani kvalitet određen nultim uzorkom.

ODGOVORNE OSOBE

Član 8.

Odgovorne osobe za praćenje i realizaciju ovog ugovora od strane Ugovornog organa su Amar Helać i Safet Husović.

OSNOVNE OBAVEZE DOBAVLJAČA

Član 9.

Pored obaveza predviđenih važećim propisima, Dobavljač je posebno dužan da robe iz člana 2. ovog Ugovora isporuči stručno i kvalitetno, u svemu prema datoj Ponudi.

Član 10.

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

KVALITATIVNI I KVANTITATIVNI PRIJAM

Član 11.

Kvalitativni i Kvantitativni prijem proizvoda se vrši po izvršenoj isporuci i o tome se sačinjava "Zapisnik o kvalitativnom i kvantitativnom prijemu" kojim se konstatuje kvalitet i kvantitet isporuke, tj. broj kompleta, komada i pari. Prijem robe vrši se na osnovu nultog uzorka. Zapisnik sačinjava Ugovorni organ.

Član 12.

U slučaju postojanja vidljivih oštećenja ili nedostataka kao i nekompletnosti isporučenih proizvoda, te neodgovarajućih veličina, ovlaštena osoba Ugovornog organa će napraviti "Zahtjev za reklamaciju" sa opisom oštećenja ili nedostataka i bez odlaganja, reklamirati dobavljaču količinu i kvalitet isporuke.

Član 13.

Za skrivene mane Ugovorni organ zadržava pravo reklamacije u roku istom kao za garantni period za isporučene proizvode. Dobavljač se obavezuje da po reklamaciji Ugovornog organa otkloni nedostatke na proizvodima ili isti zamjeni novim, najkasnije u roku od deset (10) dana od dana prijema reklamacije od strane Ugovornog organa. Nakon toga, Ugovorni organ će ponovo izvršiti pregled i prijem proizvoda i ukoliko su svi nedostaci otklonjeni sačiniti "Zapisnik o kvalitativnom i kvantitativnom prijemu".

Član 14.

Kašnjenje u isporuci do kojih dođe zbog reklamacije, povlači obaveze Dobavljača po tački 6. ovog Ugovora. Ako Ugovorni organ ne obaví pregled i prijem robe u roku od deset (10) dana od dana isporuke robe, Dobavljač će imati pravo da potražuje isplatu bez "Zapisnika o kvalitativnom i kvantitativnom prijemu" ovjerenog od ovlaštenog lica Ugovornog organa.

Član 15.

Rizik i vlasništvo nad proizvodima prelazi na Ugovorni organ u momentu potpisivanja "Zapisnika o kvalitativnom i kvantitativnom prijemu" ukupne ugovorene količine proizvoda sa napomenom da nepostoje vidljiva oštećenja ili nedostaci

Član 16.

Obaveze dobavljača su i naknade prema trećim licima u smislu korištenja njihovih patenata, zaštitnih znakova i dizajna.

Član 17.

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

GARANCIJE

Član 18.

Garancija za dobro izvršenje posla, u iznosu od 10% ukupne vrijednosti ugovora bez PDV-a dostavlja se najkasnije u roku do 10 (deset) kalendarskih dana od dana potpisivanja ugovora (neopoziva bezuslovna bankarska garancija i sa rokom važnosti od 30 (trideset) dana po isteku ugovora o javnoj nabavci.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavnim.

Date reklamacije u trenutku primopredaje robe, Dobavljač je dužan da uvaži odmah i u najkraćem mogućem roku otkloni nedostatke.

OSNOVNE OBAVEZE UGOVORNOG ORGANA

Član 19.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 20.

Ugovorni organ ima pravo raskinuti ovaj Ugovor u slijedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa
- ako Dobavljač ne isporuči robu kvaliteta datog u Ponudi
- ako poslije djelovanja više sile nije moguće nastaviti realizaciju Ugovora

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

RJEŠAVANJE SPOROVA

Član 21.

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 22.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 23.

Ovaj pojedinačni Ugovor stupa na snagu nakon obostranog potpisivanja od strane ovlaštenih lica ugovornih strana i zaključuje se na period od 12 mjeseci.

Član 24.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

UGOVORNI ORGAN:

KJKP „POKOP“ d.o.o. Sarajevo



izv. dir. Asmir Hodžić

Direktor, Goran Cerić

Broj, 0602-2998-14/20
Sarajevo, 18.09.2020. god.

DOBAVLJAČ:

“Prevent Safety” d.o.o. Goražde

Direktor, Sead Hubjer

Broj, Ug-82/20
Goražde, 22.09.2020.god.